



雙

九三

三

慶應新選詩鈔

天

天

戊辰初秋昇鑄



三九一三

# 慶應新選詩鈔

梅涯書屋藏

慶應新選詩鈔序



予病風痺。百藥無効。在  
前不愈者。三年矣。始知  
蒼生乎。語言實澁。懶與人應  
酬。世念都忘。惟思閒居。無  
事。得新。為好文字。以自

戊辰初秋昇鑄





圖 雙 九 三

# 慶應新選詩鈔

梅涯書屋藏



慶應新選詩鈔序



予病風痺。百藥無効。在  
海不愈者。三年矣。筋力  
蒼老。語言蹇澁。懶與人應  
酬。世念都空。惟思閒居。無  
事。得新為好文字。以自

清遠才。頃者谷口梅涯自  
浪華亭書云。將編度應  
新選詩鈔。乞先生投示近  
什。且其序云。因與鄉友  
嘗惟孝。共郵寄數首。清人  
王西壯有言曰。所謂詩人者。

死必其能吟詩也。果能狗  
境超脫。相對溫雅。雖一字  
不識。真詩人矣。如其為人。雖  
韻聲俱。雖終日咬文嚼字。連  
篇累牘。乃死詩人矣。今梅  
涯乃輒起我溫雅詩。以

為一集。是與四方識字真  
詩人執臂于一堂。以肩于  
千里外也。因心之言。其真如蘭。  
其難如何哉。刻成。早贈一  
郭書予。病間時以把玩。必不  
藥之書。亦未可知也。然則梅

涯之賜也。多矣。

慶應丁卯秋七月

芹波漁史田中榮識



雲隱山人畫



序

詩

谷口梅涯。病近人詩鈔。選  
止於絕句。且限人數。將遍  
求海內。以為全集。予謂若  
然。必有惡詩如徐凝者。亦  
請插入。子將不堪煩焉。夫

鶴仙禽也。蘭香草也。若以  
雞為儔。以鶻為香。則人將  
笑其愚也。詔曰。鷲鳥累百。  
不如一鷄。今不擇名流。徒  
以多為喜。則遺金拾沙。  
恐招雞鶻之笑矣。梅涯然

予言。遂拔其華。輯慶應詩  
鈔三冊。將附刻。請予題  
一言。因記話為序。

慶應丁卯杪冬

浪華 杏村河野逸拜撰



小亭靜書

圖

凡言

一近時輯諸家詩者。多表年限入。予謂天下之廣。作家豈止此乎。故廣搜遍索。錄爲一集。二集三集。逐次上梓。欲以期大成。冀免遺珠之嘲。


一斯集詩體不拘今古。隨得錄之。非敢私爲序次也。

一諸家佳什。已行于世者。不復收之。予淺



陋不能窺作者伎倆。故不敢妄評一語也。

谷口讒識



慶應新選詩鈔第一集卷一

近江 谷口讒有大輯錄

落合賡

字子載號雙石  
日向人

菊

玉露秋寒短短籬。風光想見義熙時。孤芳何恨無人採。寫入柴桑幾首詩。

二喬讀書圖

一雙檀口吐香風。靜女琅琅對讀中。徒在

深閨誇國色。良緣未足結英雄。

藤井啓

字士開號竹外攝津人

東山寓居

謾道東山真似画。人工何得敵天工。雲吞  
雲吐君看取。十日終無一日同。

所見

夜雪纔飛忽復晴。枝枝印地影斜橫。仙禽  
亦不勝清絕。月到梅花時一敲。

除夕

積逋得償杜康家。已有讎聲過巷譁。若問  
囊錢餘幾箇。猶堪一朶買梅花。

元旦東山僧院聞鐘作

欲曙忽佳客。萬家起行酒。報春第一敲。發  
自山僧手。

岡本迪

字吉甫號黃石一號湖山長

琵琶湖歌

我邦分六十。淡海在中土。吾夙周歷觀。地勢何壯巨。北控三越。西五畿。千山萬山成。四圍中有太湖之吞吐。日月得非造化鑿。天地蕩蕩三萬六千頃。百川會作巨浸來。終古水天同一色。宛然有似畫圖披。春融蕩兮秋澄爽。籠朝陰兮盪夕暉。浮嵐變翠千萬狀。無時無處不清奇。勾吳于越何足數。也知乾坤神秀鍾于茲。一日飲湖亭。四

山風色美。浩哥興未闌。山脊殷雷起。黑風乍迴閃雲旗。百道驚波白嶽嵬。急雨傾天注射來。勢如萬弩發激矢。恍疑伍胥憤塊甦。來駕怒濤。巫支騰蹕神鞭駛。又訝共工再出頭觸不周山。鼉鼉震鼓走群鬼。茅恐爲之天柱折。地維裂。山岳崩潰人共死。須臾萬態悉消滅。翠屏玉鑑一時啓。乃知天地靈性不可測。丈夫意氣應如此。憶昔兵

馬日搶攘。五畿七道妖氛揚。吾公一震佐神聖。十年汗馬駢豺狼。遂以元勳充鎮國。收此勝槩入封疆。爾來二百餘年業流峙。居然成金湯。我聞王侯守國天設險。毋乃形勢非此鄉。吾今逢昭代。已及而立歲。未有涓埃報國恩。徒抱韜畧列屏衛。君不見越范蠡。功成入五湖。千載鑄其像。画其圖。男兒入世無所輔。祿食醜竊胡爲乎。吁呼

祿食醜竊胡爲乎。

新野良

字醇叔。號古拙翁。有清來富詩。鈔近江人。

嚴陽八勝

社頭明燈

壯麗聳雲殿。逶迤架暮潮。看疑金浪湧。燈影碎搖搖。

大元櫻花

不知春已遍。一望簇煙霞。行到大元社。瑤

林悉是花。

瀧宮水螢

深溪分地脈。絕嶽接空明。倒挂銀河水。夜  
螢乳似星。

鏡池秋月

池形如鏡面。池水入秋清。俯見影娥照。乾  
坤同一明。

笠濱暮雪

萬形唯一白。群動寂無聲。凍合玻璃底。煌  
煌金榜明。

谷原鳴鹿

濯濯又呦呦。從容聲自幽。絕無羅網累。且  
暮近人游。

有浦客船

浦口帆檣簇。樓臺為客開。我邦三景一。競  
賽社神來。

松島嚴島天橋  
立稱日本三景

彌山神鴉

一雙復一雙。四鳥年年別。親子有別離。雌  
雄無決絕。

画梅六首

三寸霜毫無點塵。一枝寒玉最清真。天能  
借與化工手。偷得江南萬里春。  
如與東風暗有期。相思一夜忽開時。微雲  
淡罩孤梢月。宛似瑤臺見玉姿。

孤山山下玉花叢。淡月微雲夢想中。千古  
清芬留在此。依稀疎影見高風。

清操超然魁衆芳。槎枒老幹凜冰霜。笑吾  
瘦骨能相似。可莫心肝一点香。

冰繒一幅簇烟雲。落落精神筆筆分。展向  
高堂清氣溢。不容俗子謾知聞。

李白桃紅競艷陽。此花獨自抱幽香。前身  
元是玉仙種。肯學人間時世粧。

酬錢惲見寄惲字子柔清國江南人

其氏寄詩乃和其韻以答時丁卯秋七月也

西望鎮西雲萬重。無由杯酒共從容。詩中說盡慙慙意。不得相逢也勝逢。

河野羅字夢吉號秀野播磨人

夏景山水

縹帙映湘簾。綠陰分翠羽。溪光山影中。指點繡青譜。

西念寺瀑布

仰立見靈源。奇寒不可久。僧言無熱池。吐自銀牛口。

甲寅夏偶訪秋爽上人賦呈

風雅推君任。童蒙待我師。自他平等益。教學各相資。剛句月清夕。講經花好時。偶來忘主客。淡水滿蓮池。

富田禮彥字和卿號節齋

旭將軍

旭日光銷沒粟津。霸圖終付馬蹄塵。美姬  
能戰臣能諫。孰與烏江迷渡人。

書中乾胡蝶

探白穿紅業作癡。翰林學海了佳期。無情  
空絕南華夢。有意猶顰西子眉。粉翅難營  
芳活計。香魂長送墨生涯。牙籤湘帙復相  
獲。好使蠹魚修祭儀。

平相國

娥眉西走是前緣。紙障遺題真可憐。他日  
榮枯君記否。八條第宅草如煙。

脇

豐固

字子幹。號醉石。一號翠聲軒。近江人。

呂望釣渭

綠水青山白髮仙。煙簑雨笠斷塵緣。誰圖  
風月一竿手。開濟成周八百年。

秋夜有感



滿胸幽憤幾時休。人世浮雲往事悠。一盞  
強傾今夜月。孤吟頗憶去年秋。草蟲切切  
攪情咽。葉露離離含淚流。想得當時衛洗  
馬。百端交集不堪憂。

九日雜感

燕雨雁風秋正寒。佳辰誰共倚欄干。目前  
百事不如意。世上何人能得歡。衆鳥聲喧  
爭樹杪。孤楓色淺傍檐端。自憐歸計猶難

就。手摘黃花醉裏看。

詩仙堂

戴首軍門彼一時。香爐茶鼎送生涯。勲名  
不及蔣義重。萬口長傳蟬水詞。

丙寅元日

鶯語梅香春又生。欲將觴咏答昇平。出門  
旭日三竿上。喜見雲霞護帝城。

老龍菴課題智恩院早櫻

華頂山前一樹春。垂絲先已惹芳塵。笑看  
清淨布金地。粧得嬌顏能動人。

老龍菴席上分韻得寒。此日雨。

東風吹度竹欄干。一樹桃花帶醉看。笑語  
溫溫春正好。不知簾外雨聲寒。

釋

維明

字山城號觀水

對別客中作

一痕月隱落花西。春夢依稀夜轉迷。吾已

出家無所住。從他杜宇盡聲啼。

峨山偶成

暮四朝三名利途。世間無限幾群狙。青山  
不老長如此。笑看閑雲卷復舒。

丁卯夏訪微雲長兄。遂留數日。賦呈。  
追憶曾遊迹。悠悠二十年。仙書同鶴讀。道  
衲與雲眠。今弄文壇柄。獨持佛國權。榮名  
難自掩。誰復白君先。

廣瀨範

字世猗 號青村 豐前人

偶成

不比驪山徒舉烽。爭先侯伯馬蹄重。西來  
龍動舶三隻。東上螭行書一封。晉國誰膺  
儒將撰。漢軍何仰富人供。安邊孰與安民  
急。今日良謀是勸農。

長野業知

字文甫 號澹齋 一號竹軒 近江人

客夜聞子規

京城烟月好。夜夜杜鵑鳴。旅客那堪聽。不  
如歸去聲。

新秋夜坐有感

金風透骨冷。蟋蟀報秋時。邊海今多事。寸  
心說向誰。

郊墟新涼

西風昨夜入郊墟。病骨蘇來涼有餘。一片  
壯心看劍罷。燈前重讀讀殘書。

岡本猷

字公熙。號黃竹。一號韶堂。又號有竹。精廬。近江人。

暮春游淨碧池亭

境幽不見點塵侵。一樹殘櫻帶翠林。香靄  
茶煙縈木榻。泉聲石語答山禽。高僧許飲  
多風致。騷客參禪共淨心。消却胸中何限  
事。清閑半日興情深。

紙鷲

剡藤湘竹翦裁工。宛似飛仙正御風。把得

一絲權在手。任君跋扈半空中。

夏夜有竹精廬集贈某

雨過中庭夜色澄。風荷彈露滴衣稜。檐端  
已下銀鈎月。松際高懸彩画燈。世因多忌  
難開口。人到忘機靜似僧。麋鹿同群吾羨  
汝。不知畏路太峻嶒。

神山明

字季德。號鳳陽。美濃人。

望叡岳

爛兮雲外碧崢嶸。高擎紅燄是四明。宇內  
萬山通脈絡。千秋擁護帝王城。

梅

雪虎霜鬢如不知。一枝開傍水之涯。丰標  
誰比間桃李。烈士精神仙女姿。

北濃路上

架崖處處有人家。生計纔栽素與茶。春夏  
之交雪初盡。齊開二十四番花。

題後赤壁圖

又把杯酒開笑顏。風清月白舊江山。十年  
蹉跎官途險。不似巉嵒容易攀。

送窮

忍飢綴得送窮文。多謝十年同苦辛。憐汝  
前途無托處。世間漸少讀書人。

日置淳 字朴之 號指山 河內人

天香書屋圖

吳剛斧未落人間。幸有桂花攢玉葉。不必  
廣寒世界中。天香濃處讀仙史。

立夏偶成

黃鶯枝上綠陰新。園裡韶華過九旬。只有  
東風吹未盡。零紅一點認餘春。

秋日江村

隔岸人家半掩扉。蘆花如雪拂苔磯。晚風  
吹起波心笛。舟自水烟深處歸。

小倉利

字士貞 號松莊  
揮津人

自畫便面小景

春山一角斷霞紅。小醉吹醒林下風。境僻  
青帘尋不得。等閑延佇杏花東。

題溪山漁隱圖

蕭蕭秋竹雜松杉。隱客幽栖倚碧巖。溪水  
映門漁事好。蓑衣不肯換朝衫。

詩家清景在新春

梅碧柳黃詩景多。又遭青帝促吟哦。海棠  
非是韻人賞。敢羨團圞紅錦窩。

田中榮

字子順 號并坡 近江人

歸舟口占

日落水雲深。溶溶任歸艇。眠過灣又灣。夢  
與沙鷗冷。

凌霄花

喬木纏千尺。奪他霞彩丹。只餘根著在。雲

路托身寬。

扶桑篇

扶桑萬古日出國。五雲高處開紫極。中  
間污隆幾變革。皇綱分裂丹水涸。天厭  
禍亂隆至德。戎衣奮武立偉績。二百年來  
氛祲息。驩虞大同浴遺澤。輓近世衰政刑  
忒醜。虜乘虛巧窺隙。入吾海港湊商船。便  
置擁場計貨殖。孔利一開逞奸慝。或恐內

地行蚕食。更建祆堂。塗金碧。簧鼓士民。縱  
誑惑。天文兵法。齋圖籍。蟹行文字。橫郭索。  
洋書盛行。學鴟舌。六體誰復究。挑磔武備。  
一變悉胡服。立錐何地。容逢掖。徒擁詩書。  
守糟粕。孔孟大道。細如脉。殷輅周冕。先聖  
式。千載微言。無人繹。晚學。鯁生性迂癯。讀  
書孜孜探奧蹟。何圖三歲罹病厄。有似忠  
臣遭譴謫。早晚病瘳蘇。氣魄丕敷。文教闢

榛塞。隻手要補彛。倫敦。乾坤正氣。賴扶植。  
莫謂卑位不量力。節義何可關門闕。莫謂  
虛文無實着。仁者有勇。自無敵。君不見儒  
紳鄭大木。一劍拄天。據絕域。又不見忠愍  
陳老佛。千礮震地。殲夷賊。治亂自古有時  
易。氣化盛衰本難測。若使廟堂君子能踐  
二公迹。神列天日。何因淪蠻貊。吁嗟乎神  
州天日。何因淪蠻貊。



乙丑初復病風頰頰頑痺殊甚。戲有  
詠。

值月逢花倒酒樽。爛吟月魄與花魂。一朝  
頰舌忽為痺。應洗平生嘲弄冤。

奉謝萬水高木府君見贈自畫兩幅  
彩筆掃縑素。畫成公務餘。三川花下騎。萬  
竹几邊書。渲染墨猶潤。披觀心自舒。歸裝  
齋寵賜。行色爛雙瑀。

老狸鼓月圖

鼓腹逢逢夜幾更。木犀花下月光清。君聽  
人世無斯譜。便是渾沌太古聲。

望隔牆花

花寒惱我心。窈窕艷於雪。欲折一枝歸。牆  
高不可折。

大西儀

字維則 號松葉  
浪華人

李青蓮圖

春風無限海崇邊。徒爲艷詞陪御筵。唐室  
荒頽渾不管。自稱臣是酒中仙。

野外看桃

嗟客春來太急遛。更無日不醉香醪。櫻花  
未綻梅花謝。此際南郊看絳桃。

自画山水

衣奔食走俗塵間。欲學漁樵未得閑。笑指  
老來容我處。剡溪應有此江山。

釋

正賢

號梅園  
浪華人

中秋作

白日沈西樹影斜。清光早已動恣紗。銀盤  
擊出自然鏡。皎潔由來不用磨。

吉田徹

字士徹  
飛驒人

扇城雜吟

夢破高樓獨越吟。秋風萬戶正寒砧。扇城  
東畔天連水。無限煙波無限心。

南筑途上

春老長亭又短亭。落花委地踏餘馨。沈思  
誤路詩成崇。酣醉忘疲酒有靈。魚背煙橫  
江雨白。雉邊麥秀野風青。林端認得故人  
宅。朗朗書聲出竹扃。

讀陸詩

漠漠胡塵遍九州。英雄底事枉優游。南園  
作記多深意。二府呈書有遠謀。驢背吟過

劍門雨。蓬窓醉卧石帆秋。滿腔幽憤向誰  
吐。詩酒清狂空白頭。

板倉蘇

字更生  
平安人  
號槐堂

画蘭自題

君子之德。可想可欽。終日相對。香在衣襟。

題風竹

一陣秋風起。忽然戛玉音。物來自相應。未  
信是虛心。

寫菊自題二首

一錄

欲作重陽賞。何邊種菊家。老來嬾培養。寫  
看筆頭花。

聞蕉雨

當窓蕉葉展。偏愛雨敲幽。若是郵亭夜。聞  
來更引愁。

題画

苔徑近來無履痕。避人漸覺免紛煩。不嫌

嘉遯入山淺。留著白雲牢鎖門。

張氏景婉

字道華號紅蘭  
美濃人

二月廿七日散步至藍川

溪水泱泱春始波。夾溪山已笑顏多。人家  
到處半梅竹。奈此消遙容與何。

睡後茶興

滿椀流華灑肺肝。睡昏一洗夏生寒。不須  
九鼎煉金液。即是神仙承露盤。

蘇東坡詩集卷一 集卷一 三

緒方君期而不至。賦三絕句以呈寄。  
于時晚秋念八日。

曲譜般般皆有法。何惟流水與高山。若言  
性善不關學。大聖遺謨亦等閑。

柔心本自尚中和。爭奈別來愁緒多。落木  
蕭蕭秋欲盡。淚痕添得洞庭波。

有質更能加練漉。便應知行兩相完。嗟呼  
師授人綿邈。一日暖來十日寒。

U12498





圖  
雙  
九  
三

慶應新選詩鈔第一集卷一





098734-001-5

詩文-913

慶応新選詩鈔 第1集

谷口 謙/編

M2

DBV-0786

